



## Universitätsbibliothek Paderborn

**Vitis Aqvilonia seu Vitæ Sanctorvm Qvi Scandinaviam  
Magnam Arctoi Orbis Peninsvlam Ac præsertim Regna  
Gothorum Sueonumq[ue] olim rebus gestis illustrarunt**

**Vastovius, Johannes**

**Coloniæ Agrippinæ, Anno M.DC.XXIII.**

Æschillus Episcopus. M.

**urn:nbn:de:hbz:466:1-38534**

S. Æ S C H I L L V S  
EPISCOPVS STRENGE-  
NENSIS ET MARTYR FLO-  
ruit Anno Christi 1063.

ALEXANDRO II. Pontifice.

Vacante Imperio.

INGONE III. Rege.

**A**Eschilus Anglus Eboracensis Prouinciae, S. Sigfridi con-  
sanguineus, à puero illecebris huius vitæ conteemptis, to-  
tum sc̄e in amorem Dei transfudit. Legis Diuinæ documen-  
tis instruētus, de fluentis eius mellifluis audie hausit, vnde  
multis postmodum salutis pocula propinauit. Ætate ma-  
turior factus, supremo instinctu Sanctum Abraham imitatus, exiit de  
terra sua & de cogitatione sua, ac in Sueciam perrexit cum S. Sigfrido, cu-  
ius Capellatum agebat, certus tanto plus sc̄e appropinquare cælo, quan-  
to longius propter Deum à solo paterno recederet. Creuit in ipso cum  
annis gratia, & cum ætate iusticia, & fecit omnia secundum exemplar  
quod ei in monte, scilicet in Sancto Sigfrido virtutum speculo mon-  
stratum est, cuius vita sanctissima studuit esse imitator. Cumque Chri-  
stianam fidem apud Gottes & Sucones indefesso animo prædicaret, bo-  
numque omnibus odorem afflaret, apud Ingone Regem omnesque  
bonos summam venerationem sibi conciliauit. Nec multò post omni-  
um consensu in Epilcopum Ecclesia Nordanskogh electus, à B. Sigfrido  
fuit consecratus.

Positus tanquam lucerna supra candelabrum, in Domo Domini  
magis ac magis omnibus qui ingrediebantur lumen diffundere cura-  
bat. Colebat in eo populus Christum tanquam iubar solis in montis  
vertice resplendens, multi eius concionibus inflammati fana cum falso-  
rum numinum simulachris subuertere, lucos succidere, & nota vero  
Deo altaria erigere, fauente & ad stipulante Rege Ingone. Sed ijs Chri-  
stianæ fidei incrementis intuidens Sathan quorundam peruersorum ani-  
mos contra Pontificem ac Regem etiam ipsum concitauit. Quocirca  
nefarii homines collecto exercitu, Christianissimum Regem adorium-  
tur, viðum & in fugam contiuersum, Domino ita permittente, & aduer-  
sitatum temporalium occasione erumpnas sempiternas redimiente con-  
trucidant. Dehinc ut olim populus Israeliticus, ne sub Dominio Robo-  
am vicerat templum & cultus veri Dei degeret, Regem sibi constituit

Jero-

S. Eschilus in  
Sueciam cum

S. Sigfrido ve-  
nit, eiusdem

consanguineus  
& Sacellana.

Fit Episcopus  
Nordanskog-  
gensis in Su-  
dermannia.

Fana & simu-  
lachra eius  
hortatu sub-  
ueruntur.

In Epilcopum  
& Regem ne-  
farii Deafirl-  
cole insurgunt.

Regem necant.

Icroboam, cuius consilio Idololatræ effecti, pro legitimo numine virtuosos adorauit. Sic isti parricidæ Principe Christianissimo sublato, hominem sanguinarium Suenonem nomine, à Christiana religione alienissimum suffecere, volentes Christiani cultus stirpem à radice exscindere.

*Sueno sanguinibus Regi substituitur.*  
Proclamato igitur nouo Rege, confluxit multitudo infidelium Strengnesij Oppido, à cultu Idolorum per celebri victimas Diis suis libertura.

*Stregnesij sacrificium idolis instituitur, non Regi populoque presente.*  
Aduolat quoq; ipse Rex paganus, celebritatem præsentia sua honestaturus. Producitur in locum sacrificij ingens boum ac ouium numerus, hostiæ illæ maculantur, adolentur, cremantur, grande adornatur

*Apparatus sacrificiorum.*  
epulum, ad Maiestatem Regis & venerationem Deorum : de quorum victimis comedebant adipes, & bibeant vinum libaminum, fausta Regi nouo acclamatio, sublati in cœlum vocibus increbescit. Confederat eo tempore Æschilus, apud Ecclesiam Forcenlem, vbi de omnibus qua

*S.Æschilus idololatras arguit.*  
fiebant certior factus, Diuino calore succensus, fortis Zelotes, velut alter Elias, induitus lorica iustitiae, protectus scuto fidei, & arrepto gladio spiritus, quod est verbum Dei, cum Clericis suis ac paucis alijs ad Idololatras processit intrepidus, stansq; in media turba infidelium, arguit opportune, importune, quod Domini creatoris sui obliiti, immolarent Demonijs & non Deo: At illi vt aspides obdurauerunt aures suas, ne legem Dei audirent, sapienter incantantem aspernati. Porro cum cerneret Æschilus, se dictis nihil proficere, oculis ac manibus in cœlum leuatis, fide nixus, specq; erectus, Dominum inuocauit, vt faceret suæ ostensionis evidentiā: mox intonuit de cœlo Dominus, grandine, niue, & pluuiā ex inopinato desuper effusa, aras immolantium subuerit: eum tamen Episcopum sanctum, ne vna quidem pluviæ gutta grandinisue sphærule cogigerit. Illi tamen non tam virtutem quam Deus in seruo suo declarauit,

*Ars. immolantium euertuntur.*  
quām id quod perpessi fuerant reputantes, rancore pleni, impetum vnamimenter in sanctum fecerunt Vnus caput eius lapide appetit, alter securi fauiauit, semianimis in terrâ collapsus, ibi aliquantis per in proprio voluntabatur cruento. Lapis in quem decidit signum adhuc indelebile sanguinis effusus, ad perpetuam execrandi facinoris memoriam reseruat. Ac ne sine iusta causa perpessus Antistes videretur, quidam ex Nobili ordine

*S.Æschilus ab impio obruitur.*  
arreptum, ad Regem pertraxerunt, magicis ipsum artibus ad Regis ac Deorum iniuriam era concitasse clamitantes. Quare tanquam in maleficum sententia mortis à Rege impiissimo lata, producitur extra virbeam in montem, ad quem postea Monasterium fratum Prædicatorum erectum, ipso die quo hebdomadatum acerbæ necis Domini memoriam peragunt fideles, vbi ceu quondam Stephanus pro Zelo fidei ac defensione

*Miraculosa memoria sanguinis eius in lapide.*

*Ad Regem vt veneficus pertrahitur.*  
*Sententia mortis à Rege impio in eum fertur.*

sione veritatis lapidibus obrutus, exuta mortalitate in æterna commi- *Lapidatur,*  
grauit tabernacula. Anno Christi circiter Millesimo sexagesimo tertio,  
Junij 12.

Frac<sup>t</sup>o sanctissimi corporis eius Mirothecio, odor fragrans variarum  
virtutum emanauit. Nam lampas de cœlo lapsa super corpus sancti visa  
fuit cunctis admirationi & stupori. Christiani igitur accurrentes corpus *Lampas cœle-*  
*sis corpus eius*  
Martyris asportarunt, volentes illud in Ecclesia Foren. sepelire, sed mi-  
ra res venientibus ad locum qui Æschiltuna dicitur, tanta densitate ne-  
bulæ obscuratus fuit aer, vt progredio die amplius nequierint: corpus *Miraculo se-*  
*pultura locus*  
quoque adeo ponderosum portantibus effectum est, vt minime loco *& oraculo de-*  
moueri potuerit. Eadem nocte reuelatum est ei, qui primus in eum la-  
pidem misit, eo loco in memoriam Martyris Basiliacam fore construen-  
dam, quod & factum est. Tumulato igitur ibidem honorificentissime à *Ecclesia in me-*  
fidelibus corpore, frequenti miraculorum coruscatione cernere erat ad- *moriā mā-*  
mirabiles animorum conuersiones. Euadabant illius meritis de lupis o- *Miracula post*  
ues, de persecutoribus Ecclesiæ defensores; de peccatoribus iustitiæ pie- *obitum.*  
tatisque cultores, varijs quoque diuersis oppressi ægritudinibus, meri-  
tis ac precibus sancti Martyris Æschyli curati, præstante Domino qui in  
sanctis suis est benedictus, laudabilis & glorioius in sæcula.

*De eo anno des Suetici & Anglici Felix Faber, de Apostolis & SS. Sueticis Ioan. Mag.  
lib. 18. Hist. Gor. c. 11. & lib. 19. Molanus & Canisius in suis martyrologijs. Passionem eius non-  
nulli in annum 1026. alijs in 1045. sed perperam referunt. Vitam eius ac miracula conscripsit  
B. Brinolphus Episcopus Scarensis, quam nobis nendum videre licuit.*

E S. D A -